

**"Ертіс" әлеуметтік-кәсіпкерлік корпорациясы", "Жетісу" әлеуметтік-кәсіпкерлік корпорациясы" акционерлік қоғамдары қызметінің негізгі қағидаттары туралы меморандумдарды бекіту туралы**

Қазақстан Республикасы Үкіметінің 2007 жылғы 19 мамырдағы N 392 Қаулысы.

**Ескерту. Тақырыбы жаңа редакцияда – ҚР Үкіметінің 10.12.2018 № 818 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.**

"Ертіс", "Жетісу" және "Оңтүстік" әлеуметтік-кәсіпкерлік корпорацияларын құру және олардың қызметін қамтамасыз ету жөніндегі шаралар туралы" Қазақстан Республикасы Президентінің 2007 жылғы 20 сәуірдегі N 320 Жарлығының 1-тармағының 3) тармақшасын орындау үшін Қазақстан Республикасының Үкіметі **ҚАУЛЫ ЕТЕДІ :**

1. Қоса беріліп отырған:

1) "Ертіс" әлеуметтік-кәсіпкерлік корпорациясы" акционерлік қоғамы қызметінің негізгі қағидаттары туралы меморандум;

2) "Жетісу" әлеуметтік-кәсіпкерлік корпорациясы" акционерлік қоғамы қызметінің негізгі қағидаттары туралы меморандум бекітілсін.

**Ескерту. 1-тармақ жаңа редакцияда – ҚР Үкіметінің 10.12.2018 № 818 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.**

2. Осы қаулы қол қойылған күнінен бастап қолданысқа енгізіледі.

Қ а з а қ с т а н  
Премьер-Министрі

Р е с п у б л и к а с ы н ы ң

Қазақстан Республикасы  
Үкіметінің  
2007 жылғы 19 мамырдағы  
N 392 қаулысымен  
бекітілген

**"Ертіс" әлеуметтік-кәсіпкерлік корпорациясы" акционерлік қоғамы қызметінің негізгі қағидаттары туралы меморандум**

**Ескерту. Меморандум жаңа редакцияда – ҚР Үкіметінің 10.12.2018 № 818 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.**

1. Құру мақсаты

"Ертіс" әлеуметтік-кәсіпкерлік корпорациясы" акционерлік қоғамын (бұдан әрі – "Ертіс" ӘКК" АҚ) құрудың мақсаты мемлекеттік және жеке секторларды шоғырландыру, кластерлік әдіс негізінде бірыңғай экономикалық нарықты құру, инвестициялар мен инновациялар тарту үшін қолайлы экономикалық орта қалыптастыру, өңірлерді әлеуметтік дамытуға, сондай-ақ пайдалы қазбаларды, оның ішінде мынадай пайдалы қазбаларды: газды (көмір қабаттарынан өндірілетін метаннан басқа), мұнайды, уранды қоспағанда, кең таралған пайдалы қазбаларды барлауға, өндіруге, қайта өңдеуге бағытталған бағдарламаларды әзірлеу мен іске асыруға қатысу жолымен Шығыс Қазақстан облысының экономикалық дамуына жәрдемдесу болып табылады.

Қазақстан Республикасының қолданыстағы заңнамасына сәйкес "Ертіс" ӘКК" АҚ-ға:

жарғылық капиталды капиталдандыру үшін қаржы қаражаты;  
инвестициялық жобаларды іске асыру үшін жер учаскелері;  
жер қойнауын пайдалану құқығы;  
пайдаланылуына ақы төлеу есебінен кірістерді жинақтауға қабілетті инфрақұрылым объектілері, инженерлік коммуникациялар мен желілер;  
мемлекеттік меншіктегі жылжымалы және жылжымайтын мүлік объектілері;  
акционерлік қоғамдардың акциялары, жауапкершілігі шектеулі серіктестіктерге қатысу үлестері және мемлекеттік меншіктегі мемлекеттік кәсіпорындар (бұдан әрі – ұйымдар) берілетін болады.

## 2. "Ертіс" ӘКК" АҚ қызметінің негізгі қағидаттары

"Ертіс" ӘКК" АҚ-ның қызметі транспаренттілік, кешенділік және басымдылық қағидаттарына негізделетін болады.

Транспаренттілік қағидаты корпоративтік басқарудың ашық жүйесін құруды және менеджерлердің жауапкершілігін, қаржы ресурстарының тиімді пайдаланылуын тиісті бақылауды болжамдайды. Осы қағидатты іске асыру үшін мінсіз іскерлік беделі бар кәсіби менеджерлерді тарта отырып, тәуелсіз директорлар институты белсенді түрде пайдаланылатын болады.

Кешенділік қағидаты белгілі бір операцияларда және/немесе қызмет түрлерінде ұйымдардың мамандануын қолдаудың әртүрлі көздері мен бағыттары болған кезде экономиканың жеке және мемлекеттік секторларының бастамаларын теңгерімді қолдау жүзеге асырылатынын білдіреді.

Басымдылық қағидаты іске асырылатын жобаларды дайындау және таңдау жөніндегі жұмыста тиісті өңірдің әлеуметтік маңызды проблемаларын шешу көрсетілетін жобаларға басымдық берілетінін білдіреді.

## 3. "Ертіс" ӘКК" АҚ-ның міндеттері

"Ертіс" ӘКК" АҚ-ны құру мақсатына қол жеткізу мынадай негізгі міндеттерді шешуге негізделетін болады:

мемлекеттік активтерді басқарудың тиімді жүйесін құру;

өңірлерде бизнестің әлеуметтік жауапкершілігі қағидаттарын енгізу;  
мемлекеттік-жекешелік әріптестік негізінде бәсекеге қабілетті, экспортқа бағдарланған өндірістерді құру;  
инвестицияларды тарту мен инновацияларды енгізу үшін қолайлы орта қалыптастыру;  
бизнес-жобаларды, оның ішінде концессиялар мен кластерлік бастамалар негізінде іске асыру;  
шағын және орта бизнесті дамыту үшін институционалдық жағдайлар жасау;  
пайданы өңірлік әлеуметтік проблемаларды шешуге бағыттау;  
мемлекеттік активтер мен кәсіпкерлік бастаманы шоғырландыру жолымен өңірлердің серпінді дамуын қамтамасыз ету;  
өңірдің ішкі және сыртқы нарықтарындағы экономикалық беделін арттыру;  
кластерлік өндірісті дамыту және жаңа технологияларды енгізу жолымен шағын және орта кәсіпкерліктің өнімділігін арттыру;  
мемлекеттік кәсіпорындарды оңалту, қайта құрылымдау, олардың негізінде бәсекеге қабілетті жаңа өндірістер мен технологияларды дамыту;  
бизнес-жобалардың базасын қалыптастыру, қаржыландыру және оларды іске асыру үшін жағдайлар жасау.

Жоғарыда көрсетілген міндеттерді шешу "Ертіс" ӘКК" АҚ өзіндік және бірлескен жобаларды іске асыру арқылы, сондай-ақ "Ертіс" ӘКК" АҚ-ға берілген ұйымдардың қызметіне қатысу арқылы жүзеге асырылады.

#### 4. "Ертіс" ӘКК" АҚ-ның функциялары

Ұйымдарды олардың жалпы жиналыстары және директорлар кеңестері арқылы корпоративтік басқаруды жүзеге асыру шеңберінде "Ертіс" ӘКК" АҚ-ның негізгі функциялары:

ұйымдар үшін мақсаттар қою;

орта мерзімді бизнес-жоспарларды, қойылған мақсаттарға қол жеткізуге бағытталған инвестициялық бағдарламалар мен ұйымдардың жылдық бюджеттерін бекіту;

жеке сектор бастамаларын іске асыруға бөлінген ақша қаражатын тиімді пайдалануды бақылау;

ұйым басшыларын іріктеу мен ынталандыру болып табылады.

#### 5. "Ертіс" ӘКК" АҚ-ны басқару мәселелері

"Ертіс" ӘКК" АҚ" Директорлар кеңесінің құрамына Шығыс Қазақстан облысы әкімдігінің өкілдері, "Ертіс" ӘКК" АҚ" Басқармасының төрағасы кіреді.

"Ертіс" ӘКК" АҚ Директорлар кеңесінің құзыретіне:

"Ертіс" ӘКК" АҚ қызметінің басым бағыттарын айқындау;

"Ертіс" ӘКК" АҚ қызметінің мақсаттарын қою;

"Ертіс" ӘКК" АҚ-ның бюджетін бекіту;

Қазақстан Республикасының заңнамасына сәйкес өзге де мәселелер кіреді.

"Ертіс" ӘКК" АҚ-ның қызметін қаржыландыру заңнамаға сәйкес жарғылық капитал қаражаты, инвестициялық кредиттер, гранттар немесе өзге де кірістер есебінен жүзеге асырылады.

6. "Ертіс" ӘКК" АҚ мен ұйымдар арасындағы өзара қарым-қатынастар

"Ертіс" ӘКК" АҚ мен ұйымдар арасындағы өзара қарым-қатынастар оның жоғарыда көрсетілген функцияларымен айқындалады. Бұл ретте "Ертіс" ӘКК" ҰК" АҚ-ның ұйымдар қызметіне әсері акционер функцияларын жүзеге асыру және ұйымдардың тиісті директорлар кеңестерінде өкілдік ету, сондай-ақ ұйымдарға қатысу функциясы арқылы корпоративтік басқару шеңберінде шектеледі.

Қазақстан Республикасы  
Үкіметінің  
2007 жылғы 19 мамырдағы  
N 392 қаулысымен  
бекітілген

## **"Жетісу" әлеуметтік-кәсіпкерлік корпорациясы" акционерлік қоғамы қызметінің негізгі қағидаттары туралы меморандум**

**Ескерту. Меморандум жаңа редакцияда – ҚР Үкіметінің 10.12.2018 № 818 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.**

1. Құру мақсаты

"Жетісу" әлеуметтік-кәсіпкерлік корпорациясы" акционерлік қоғамын (бұдан әрі – "Жетісу" ӘКК" АҚ) құрудың мақсаты мемлекеттік және жеке секторларды шоғырландыру, кластерлік әдіс негізінде бірыңғай экономикалық нарықты құру, инвестициялар мен инновациялар тарту үшін қолайлы экономикалық орта қалыптастыру, өңірлерді әлеуметтік дамытуға, сондай-ақ пайдалы қазбаларды, оның ішінде мынадай пайдалы қазбаларды: газды (көмір қабаттарынан өндірілетін метаннан басқа), мұнайды, уранды қоспағанда, кең таралған пайдалы қазбаларды барлауға, өндіруге, қайта өңдеуге бағытталған бағдарламаларды әзірлеу мен іске асыруға қатысу жолымен Алматы облысының экономикалық дамуына жәрдемдесу болып табылады.

Қазақстан Республикасының қолданыстағы заңнамасына сәйкес "Жетісу" ӘКК" АҚ-ға:

жарғылық капиталды капиталдандыру үшін қаржы қаражаты;  
инвестициялық жобаларды іске асыру үшін жер учаскелері;  
жер қойнауын пайдалану құқығы;  
пайдаланылуына ақы төлеу есебінен кірістерді жинақтауға қабілетті инфрақұрылым объектілері, инженерлік коммуникациялар мен желілер;  
мемлекеттік меншіктегі жылжымалы және жылжымайтын мүлік объектілері;

акционерлік қоғамдардың акциялары, жауапкершілігі шектеулі серіктестіктерге қатысу үлестері және мемлекеттік меншіктегі мемлекеттік кәсіпорындар (бұдан әрі - ұйымдар) берілетін болады.

## 2. "Жетісу" ӘКК" АҚ қызметінің негізгі қағидаттары

"Жетісу" ӘКК" АҚ-ның қызметі транспаренттілік, кешенділік және басымдылық қағидаттарына негізделетін болады.

Транспаренттілік қағидаты корпоративтік басқарудың ашық жүйесін құруды және менеджерлердің жауапкершілігін, қаржы ресурстарының тиімді пайдаланылуын тиісті бақылауды болжамдайды. Осы қағидатты іске асыру үшін мінсіз іскерлік беделі бар кәсіби менеджерлерді тарта отырып, тәуелсіз директорлар институты белсенді түрде пайдаланылатын болады.

Кешенділік қағидаты белгілі бір операцияларда және/немесе қызмет түрлерінде ұйымдардың мамандануын қолдаудың әртүрлі көздері мен бағыттары болған кезде экономиканың жеке және мемлекеттік секторларының бастамаларын теңгерімді қолдау жүзеге асырылатынын білдіреді.

Басымдылық қағидаты іске асырылатын жобаларды дайындау және таңдау жөніндегі жұмыста тиісті өңірдің әлеуметтік маңызды проблемаларын шешу көрсетілетін жобаларға басымдық берілетінін білдіреді.

## 3. "Жетісу" ӘКК" АҚ-ның міндеттері

"Жетісу" ӘКК" АҚ-ны құру мақсатына қол жеткізу мынадай негізгі міндеттерді шешуге негізделетін болады:

мемлекеттік активтерді басқарудың тиімді жүйесін құру;

өңірлерде бизнестің әлеуметтік жауапкершілігі қағидаттарын енгізу;

мемлекеттік-жекешелік әріптестік негізінде бәсекеге қабілетті, экспортқа бағдарланған өндірістерді құру;

инвестицияларды тарту мен инновацияларды енгізу үшін қолайлы орта қалыптастыру;

бизнес-жобаларды, оның ішінде концессиялар мен кластерлік бастамалар негізінде іске асыру;

шағын және орта бизнесті дамыту үшін институционалдық жағдайлар жасау;

пайданы өңірлік әлеуметтік проблемаларды шешуге бағыттау;

мемлекеттік активтер мен кәсіпкерлік бастаманы шоғырландыру жолымен өңірлердің серпінді дамуын қамтамасыз ету;

өңірдің ішкі және сыртқы нарықтарындағы экономикалық беделін арттыру;

кластерлік өндірісті дамыту және жаңа технологияларды енгізу жолымен шағын және орта кәсіпкерліктің өнімділігін арттыру;

мемлекеттік кәсіпорындарды оналту, қайта құрылымдау, олардың негізінде бәсекеге қабілетті жаңа өндірістер мен технологияларды дамыту;

бизнес-жобалардың базасын қалыптастыру, қаржыландыру және оларды іске асыру үшін жағдайлар жасау.

Жоғарыда көрсетілген міндеттерді шешу "Жетісу" ӘКК" АҚ өзіндік және бірлескен жобаларды іске асыру арқылы, сондай-ақ "Жетісу" ӘКК" АҚ-ға берілген ұйымдардың қызметіне қатысу арқылы жүзеге асырылады.

#### 4. "Жетісу" ӘКК" АҚ-ның функциялары

Ұйымдарды олардың жалпы жиналыстары және директорлар кеңестері арқылы корпоративтік басқаруды жүзеге асыру шеңберінде "Жетісу" ӘКК" АҚ-ның негізгі функциялары:

ұйымдар үшін мақсаттар қою;

орта мерзімді бизнес-жоспарларды, қойылған мақсаттарға қол жеткізуге бағытталған инвестициялық бағдарламалар мен ұйымдардың жылдық бюджеттерін бекіту;

жеке сектор бастамаларын іске асыруға бөлінген ақша қаражатын тиімді пайдалануды бақылау;

ұйым басшыларын іріктеу мен ынталандыру болып табылады.

#### 5. "Жетісу" ӘКК" АҚ-ны басқару мәселелері

"Жетісу" ӘКК" АҚ" Директорлар кеңесінің құрамына Алматы облысы әкімдігінің өкілдері, "Сарыарқа" ӘКК" АҚ" Басқармасының төрағасы кіреді.

"Жетісу" ӘКК" АҚ Директорлар кеңесінің құзыретіне:

"Жетісу" ӘКК" АҚ қызметінің басым бағыттарын айқындау;

"Жетісу" ӘКК" АҚ қызметінің мақсаттарын қою;

"Жетісу" ӘКК" АҚ-ның бюджетін бекіту;

Қазақстан Республикасының заңнамасына сәйкес өзге де мәселелер кіреді.

"Жетісу" ӘКК" АҚ-ның қызметін қаржыландыру заңнамаға сәйкес жарғылық капитал қаражаты, инвестициялық кредиттер, гранттар немесе өзге де кірістер есебінен жүзеге асырылады.

#### 6. "Жетісу" ӘКК" АҚ мен ұйымдар арасындағы өзара қарым-қатынастар

"Жетісу" ӘКК" АҚ мен ұйымдар арасындағы өзара қарым-қатынастар оның жоғарыда көрсетілген функцияларымен айқындалады. Бұл ретте "Жетісу" ӘКК" ҰК" АҚ-ның ұйымдар қызметіне әсері акционер функцияларын жүзеге асыру және ұйымдардың тиісті директорлар кеңестерінде өкілдік ету, сондай-ақ ұйымдарға қатысу функциясы арқылы корпоративтік басқару шеңберінде шектеледі.

Қазақстан Республикасы  
Үкіметінің  
2007 жылғы 19 мамырдағы  
N 392 қаулысымен  
бекітілген

## **"Оңтүстік" әлеуметтік-кәсіпкерлік корпорациясы" ұлттық компаниясы" акционерлік қоғамы қызметінің негізгі қағидаттары туралы меморандум**

Ескерту. Алып тасталды – ҚР Үкіметінің 10.12.2018 № 818 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК